

TILSKIPUN FRAMKVÆMDASTJÓRNARINNAR 2003/1/EB

frá 6. janúar 2003

um aðlögun að tækniframförum á II. viðauka við tilskipun ráðsins 76/768/EBE um samræmingu laga aðildarríkjanna um snyrtivörur

(Texti sem varðar EES)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 76/768/EBE frá 27. júlí 1976 um samræmingu laga aðildarríkjanna um snyrtivörur ⁽¹⁾, eins og henni var síðast breytt með tilskipun framkvæmdastjórnarinnar 2002/34/EB ⁽²⁾, einkum 2. mgr. 8. gr.,

að höfðu samráði við vísindanefndina um snyrtivörur og aðrar neytendavörur en matvæli,

og að teknu tilliti til eftirfarandi:

- 1) Tilvísunarnúmerið 419 í II. viðauka við tilskipun 76/768/EBE, sem hefur að geyma skrá yfir efni sem snyrtivörur mega ekki innihalda, er eins og sakir standa í samræmi við ákvörðun framkvæmdastjórnarinnar 97/534/EB frá 30. júlí 1997 um bann við notkun efnis sem hætta stafar af með tilliti til smitandi heilahrörnnunar ⁽³⁾. Sú ákvörðun hefur verið felld úr gildi með ákvörðun framkvæmdastjórnarinnar 2000/418/EB frá 29. júní 2000 um setningu reglna um notkun efnis sem hætta stafar af með tilliti til smitandi heilahrörnnunar og um breytingu á ákvörðun 94/474/EB ⁽⁴⁾. Með hliðsjón af álitni vísindanefndarinnar um snyrtivörur og aðrar neytendavörur en matvæli (SCCNFP) er rétt að breyta tilvísunarnúmerinu 419 í II. viðauka við tilskipun 76/768/EBE til samræmis við reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrörnnunar ⁽⁵⁾ eins og henni var síðast breytt með reglugerð framkvæmdastjórnarinnar (EB) nr. 270/2002 ⁽⁶⁾.
- 2) Við tilvísunarnúmer 419 í II. viðauka við tilskipun 76/768/EBE skal bæta tilvísun til sérstakra áhættuefna sem tilgreind eru í V. viðauka við reglugerð (EB) nr. 999/2001.
- 3) Það leiðir hins vegar af 1. mgr. 22. gr. reglugerðar (EB) nr. 999/2001 að ákvæði A-hluta XI. viðauka við þá reglugerð gilda uns samþykkt verður ákvörðun sem hefur það í för með sér að 8. gr. reglugerðarinnar og V. viðauki við hana öðlast gildi. Af þessum sökum skal tilvísunarnúmer 419 í II. viðauka við tilskipun 76/768/EBE einnig vísa til A-hluta XI. viðauka við reglugerð (EB) nr. 999/2001.

- 4) Breyta ber tilskipun 76/768/EBE til samræmis við það.
- 5) Í ljósi sérstaks eðlis framangreindra áhættuefna er nauðsynlegt að aðildarríkin geti gripið til þeirra ráðstafana sem kveðið er á um í þessari tilskipun án þess að þurfa að bíða lokadagsetningarinnar sem tilgreind er.
- 6) Ákvæði þessarar tilskipunar eru í samræmi við álit nefndar um aðlögun að tækniframförum á tilskipunum um að ryðja úr vegi tæknilegum hindrunum í viðskiptum með snyrtivörur.

SAMÞYKKT TILSKIPUN ÞESSA:

1. gr.

Ákvæðum II. viðauka við tilskipun 76/768/EBE er hér með breytt í samræmi við viðaukann við þessa tilskipun.

2. gr.

1. Aðildarríkin skulu gera allar nauðsynlegar ráðstafanir til að tryggja að eigi síðar en frá 15. apríl 2003 setji hvorki framleiðendur né innflytjendur, sem hafa staðfestu í bandalaginu, á markað snyrtivörur sem eru ekki í samræmi við þessa tilskipun.

2. Aðildarríkin skulu gera allar nauðsynlegar ráðstafanir til að tryggja að vörurnar, sem um getur í 1. mgr., séu hvorki seldar né afhentar neytendum eftir 15. apríl 2003.

3. gr.

Aðildarríkin skulu samþykkja nauðsynleg lög og stjórn-sýslufyrirmæli til að fara að tilskipun þessari eigi síðar en 15. apríl 2003. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

⁽¹⁾ Stjtið. EB L 262, 27.9.1976, bls. 169.⁽²⁾ Stjtið. EB L 102, 18.4.2002, bls. 19.⁽³⁾ Stjtið. EB L 216, 8.8.1997, bls. 95.⁽⁴⁾ Stjtið. EB L 158, 30.6.2000, bls. 76.⁽⁵⁾ Stjtið. EB L 147, 31.5.2001, bls. 1.⁽⁶⁾ Stjtið. EB L 45, 15.2.2002, bls. 4.

4. gr.

Tilskipun þessi öðlast gildi á þriðja degi eftir að hún birtist í *Stjórnartíðindum Evrópubandalaganna*.

5. gr.

Tilskipun þessari er beint til aðildarríkjanna.

Gjört í Brussel 6. janúar 2003.

Fyrir hönd framkvæmdastjórnarinnar,

Erkki LIIKANEN

framkvæmdastjóri.

VIÐAUKI

Í stað eftirfarandi málsliða, undir tilvísunarnúmerinu 419, í II. viðauka við tilskipun ráðsins 76/768/EBE

„a) Hauskúpa, þar með talið heili og augu, hálskirtlar og mæna, af:

— 12 mánaða nautgripum,

— sauðfé og geitum sem eru eldri en 12 mánaða eða eru komin með framtönn.

b) Miltu úr sauðfé og geitum og innihaldsefni úr þeim.“

komi eftirfarandi málsliðir:

„Frá þeim degi, sem um getur í 1. mgr. 22. gr. reglugerðar Evrópuþingsins og ráðsins (EB) nr. 999/2001 (*), sérstöku áhættuefnin, sem tilgreind eru í V. viðauka við þá reglugerð, og innihaldsefni sem eru unnin úr þeim.

Fram til þess dags, sérstöku áhættuefnin, sem tilgreind eru í A-hluta XI. viðauka við reglugerð (EB) nr. 999/2001, og innihaldsefni sem eru unnin úr þeim.

(*) Stj. tíð. EB L 147, 31.5.2001, bls. 1.“